



**DE VITA || ET MORIBVS IGNA-||TII LOIOLAE,|| QVI
SOCIETATEM IESV || fundauit, Libri III.|| Auctore Ioanne
Petro Maffeo, pres-||bytero Societatis eiusdem.|| Ex
auctoritate superiorum.||**

Maffei, Giovanni Pietro

Köln, 1585

VD16 M 110

Ignatius plebi fame periclitanti succurrit. Cap. XI.

[urn:nbn:de:hbz:466:1-68259](#)

dine excitaretur è somno mirè defatigatus, membrisque omnibus dolens. continuoq; rem omnem Iacobo Laini patefaciebat eiusdē cubiculi socio. Hæc igitur fuere nostris hominib⁹ Pōtificiæ missionis initia : Patresque in varia deinceps loca profecti, maiorem in modum aucta Societate, institutis que supplementi causa, tota ferme Europa collegijs, domib⁹ ve, res eas Deo duce atque adiutore gessere, quæ proprio, & quidē iusto volumine ipsæ per se ad enarrandum indigeant.

Ignatius plebi fame periclitanti succurrit.

Cap. XI.

Neque vero Ignatio & cæteris, qui remanserant Romæ, negotium defuit. Erat annus à Virginis partu M. D. XXXVIII. insignis annonæ caritate, ac per hyemem præcipue tanta frugum inopia, vt passim iacentes in publico pauperes frigore fameque confecti, miserandum in modum exspirarent. Quo spectaculo commotus Ignatius, tantæ calamitati sibi omni ope subueniendum putauit. Iamq; è Gar-

N s zonij

zonij villa, cum suis in Vrbis frequen-
tiora loca migrauerat, laxiore sibi ab-
amicis domo conducta, ad circum Fla-
minium, in ea regione, quæ sancti An-
geli ad forum Piscariū hodie dicitur.
In eius igitur domus ampla cœnatio-
ne fœno stragulisque dispositis, & in
pauperum alimenta eleemosynis vn-
diq; corrogatis, in omnes partes dimi-
sit, qui in id hospitium, ut quemq; peri-
clitatem extrema inopia inuenissent,
vel inter manus, prout res ferret, vel ge-
statoria sella deueherent. Cum strenue
curaretur, adhibitis etiam ubi opus es-
set, adiutoribus baiulisq;, breui nume-
rus decubentium ad quadringentos
ascendit. Hic verò, eodem Ignatio pre-
side ac duce, Patrum fratrumque sece-
caritas ac virtus exercuit. Diluculo
quotidie linctati omnes ad imperia ac
cipienda præsto aderant. Inde ad sua
quisq; officia discurrere sine vlla per-
turbatione vel tumultu; alij recens il-
latos pauperes clementer exuere, & ca-
lida elutis corporum sordibus in lectu-
lo collocare; alij assidere languētibus,
eosdemque amicissimis cōsolari ver-
bis.

bis. hi cibos aut domi excoquere diligenter, aut aliunde missos instruere; illi fercula inferre, & longa inedia propemodum enectis pretiosa instillare li quamina. hi cubilia sternere, illi scopis paumenta purgare: denique certatim omnes munere suo ita fungi, ut preclares testarentur, in minimis illis agnosceret sc Regem regum & dominum dominantium. neque vero corpora solū egentium, sed animi quoque eadem opera curabantur. Plurimi quippe rudes, Christianæ doctrinæ præceptis probe instituti, multi à turpi quæstu, fraudibusq; deterriti, & quod caput est, sacra omnes confessione expiati, ac pane cælesti lōgo interuallo refecti sunt. Deinde ut aliqui conualuerant, succendentibus inuicem alijs, cum tegumentis ad frigus arcendum, & certo pecuniæ subsidio dimittebantur. Eares per Vrbem vulgata, magnam populi bencuolentiam conciliauit Ignatio. atque ad eam Christianæ humilitatis caritatisq; officinam visendam interdiu promiscua turba, noctu vero etiā viri principes ventitabant: ac tāta fuit

ex-

fuit exempli vis, vt quidam, cum præsentes nō suppeterent sibi nummi, depositis illico in usus pauperum vestimentis domum seminudi reuerterint. Alij etiam sancta æmulatione in citati, eiusdem conditionis homines, quorum nō deerat passim copia, hospitio suscepitos benigne curarūt. Multi præterea proceres, in glorioſi operis perfectionem, Ignatio pecuniæ summam vltro detulere non leuem. Qua in re Margaritæ Austriacæ Caroli V. filiæ, Octauio Farnesio nuptæ, Placentinorum & Parmenium hodie Duci, pietas ac beneficētia vel in primis enituit. Atque eius pecuniæ, cum Ignatius intelligeret, se vel maxima eorum qui contuleranr voluntate, partem aliquā in suas & suorum necessitates erogare posse; tamen tanta fuit religione vir, vt ne obolum quidem, nisi in externorum pauperum commoda, insumpserit, relatis in codicem accurate nominibus, vt omnium prorsus ratio constaret. Atque hūc maxime in modum labor ad exactam usque hyemem secunda ciuitatis admurmuratione perdu-

ctus.

Etus.ac vere demum ineunte,frumenta partim ab ijs qui suppresserant, spon te prolata; partim à magistratibus aliū de conuecta sunt. Ea re non mediocriter annona laxauit; grauique perfunda periculo plebs, Deo adiuuāte, ad solitos quæstus & opicia redijt.

Confirmatur à Pontifice Maximo Societas.

Cap. XII.

Interea,cum ad Ignatiū studio religionis aliqui subinde se adiunge rent; nequaquam immemor ille,quod ad Societatem confirmandam attinebat, negotij paulo ante suscepit; quidquid à publicis occupationibus otium datum est,in eam ipsam rem diligentissime contulit.ac primum totius instituti formulam (fusius postea explicandam) ad certa capita dilucide redegit, ac breuiter, deinde nactus opportunitatem, quod Pontifex Maximus per autumni ferias è turba negotijsq; Tibur sece receperat; eam formulam auctoritate Apostolica sanciendam eidem Pōtifici suppliciter obtulit per Gasparem Contarenū Cardinalem, de quo su pra